

## NUUS VAN FRUIT SOUTH AFRICA



SIZA is die etiese handelsmaatstaf van Fruit South Africa wat ontwikkel is sodat kwekers nie verskillende oudits vir etiese handel van verskillende kleinhandelaars hoef te ondergaan nie. Die belangrikste handelaars in die VK erken SIZA en daarmee spaar kwekers tyd en geld.

# NUUS

UITGAWE 1 VOLUME 4 JANUARIE 2014

### LIDMAATSKAP

SIZA-lidmaatskap groei steeds en die totaal staan tans op 621 lede. Die ledeverdeling is soos volg:

- Produsente: 494
- Pakhuise: 4
- Uitvoerders: 22
- Invoerders: 1
- Kommersiële entiteite: 2
- Ander ("multi sites"): 48
- Kleinhandelaars/bedryfsorganisasies: 6

### SIZA-hulplyn

Vir algemene navrae (insluitend registrasies van SAQ's en SEDEX), kontak Mariessa Erasmus by die nuwe SIZA-hulplyn 0861 111 568 of stuur 'n e-pos aan haar by [www.siza.co.za](http://www.siza.co.za). Om by SIZA te registreer, gaan na die SIZA-webtuiste [www.siza.co.za](http://www.siza.co.za), klik op "Registrasie" en volg die maklike stappe om die registrasievorm te voltooi.

### SIZA / SEDEX-opdatering

Indien SIZA-lede verkies om op SEDEX sigbaar te wees vir hul kleinhandekliënte, moet die volgende gedoen word:

- Stuur aan SEDEX 'n toestemmingsbrief om die rekening te stuur na die FSA AB-rekeninghouer (kontak [info@siza.co.za](mailto:info@siza.co.za) vir 'n afskrif van die brief);
- Korrigeer en finaliseer alle aspekte wat uitstaande is sedert die vorige ouditproses en versoek die betrokke ouditfirma om die "NC's" op Sedex af te teken.
- Stel SIZA in kennis aan watter kliënte hulle gekoppel moet wees.

NOTA: Produsente wat as 'n diensverskaffer op die FSA AB-rekening geregistreer is, kan dieselfde SEDEX "log on"-stappe volg om hul rekening-besonderhede op SEDEX te bekom. Die

ouditfirma sal direkte toegang tot die rekening hê ten einde alle uitstaande aspekte af te teken en hoef nie te poog om via die FSA AB-rekening sigbaarheid te verkry nie.

*Onthou asb om alle uitstaande aspekte af te teken soos tydens die vorige oudit geïdentifiseer.*

### UITROL VAN SIZA-KAPASITEITSBOUPROGRAM

SIZA het befondsing van €500 000 van die "Sustainable Trade Initiative" ontvang vir die uitrol van 'n kapasiteitsbouprogram in al die provinsies gedurende 2014 en 2015. Die fondse sal gebruik word om meer as 70 werksessies teen geen ekstra koste vir lede te fasiliteer. Opgeleide en erkende diensverskaffers in die veld is geïdentifiseer en het reeds opleiding ontvang om die nodige in die streke te implementeer.

E-pos [info@siza.co.za](mailto:info@siza.co.za) indien u of u verteenwoordiger aan die program wil deelneem. Ons verkies 15 tot 20 deelnemers per werksessie om die oefening kostedoeltreffend te maak en aan vereistes van finansiers te voldoen.

### Algemene inligting oor die kapasiteitsbouprogram:

#### Doel

Die hoofdoelwit is die ontwikkeling van kapasiteit en ondersteuning vir SIZA-lede met die implementering van die SIZA-standaard en deurlopende verbetering van arbeidstoestande op plase.





### Wie mag opleiding ontvang?

Opleiding is aan alle SIZA-lede en/ of hul verteenwoordigers beskikbaar, bv menslike hulpbronbestuurders, administrateurs wat verantwoordelik is vir etiese nakoming op 'n plaas of diegene wat ondersteuning verleen aan produsente, soos arbeidskonsultante, regeringsamptenare, ens. Werksessies is ook beskikbaar vir toesighouers, werkers en hul verteenwoordigers, asook verteenwoordigers van kleinhandelaars, uitvoerders, invoerders en bedryfsorganisasies. Diegene wat opleiding ontvang sal bekend staan as Etiese Handelsfasiliteerders.

### Koste en tydsduur

SIZA-lede ontvang die opleiding gratis. Dit duur twee dae, wat óf aaneenlopend aangebied óf oor verloop van tyd versprei kan word.

### Wat sal die opleiding dek?

- Begrip van SIZA-program;
- Verantwoordelikhede van die Etiese Handelsfasiliteerder in die SIZA-program;
- Voordele van die SIZA-program duidelik uitgestip;
- Uiteensetting van agt beginsels waarop die SIZA-standaard geskoei is (insluitend beleide en prosedures, ens);
- Regstellende aksies en programme ter verbetering;
- Self-assessering;
- Ouditvoorbereiding en die proses self;
- Identifisering en kwantifisering van risiko's;
- Oorsaak-analise;

- Afsluiting van nie-nakomingsaspekte ("non-compliances");
- Bewusmaking en kapasiteitsbouprogramme op die perseel;
- Hoe om SIZA-hulpmiddels te gebruik.

Die kursusinhoud kan op alle vlakke aangepas word volgens die behoeftes van produsente en deelnemers.

### Kursusmateriaal

SIZA-kursusmateriaal word aan kursusgangers beskikbaar gestel. Hulle het ook toegang tot 'n verskeidenheid SIZA-hulpmiddels wat ontwikkel is en voortgaan om ontwikkel te word, insluitend 'n "How to"-handleiding, 'n geheuestokkie met inligting met template, voorbeelde van betalingstrokies, kontrakte; SIZA-plakkaat; akkommodasie- en vervoerinsligting, asook 'n handleiding oor kommunikasie in die werksplek.

### OOREENKOMS MET WIETA

SIZA het 'n ooreenkoms met WIETA aangegaan waar SIZA-lede, wat 'n SIZA-oudit deur WIETA laat doen het, erken sal word vir verkryging van WIETA-sertifisering. WIETA moet steeds 'n steekproef op die perseel doen om te verseker dat verbeterende aksies uitgevoer is voordat die perseel gesertifiseer kan word. Vir Vinpro-lede kan die steekproef se koste van Vinpro verhaal word.

### SIZA-navrae

SIZA-Administrasie:  
[siza@hortgro.co.za](mailto:siza@hortgro.co.za)  
 SIZA-Registrasie:  
[siza@fpf.co.za](mailto:siza@fpf.co.za)  
 SIZA SAQs en SEDEX:  
[siza@saiglobal.com](mailto:siza@saiglobal.com)  
 Algemene navrae:  
[chennell@iafrica.com](mailto:chennell@iafrica.com) 

